



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 03-34-5-482/15

Datum: 16.03.2015. godine

Na osnovu člana 8. Zakona o ministarskim, vladinim i drugim imenovanjima FBiH ("Sl. novine FBiH" broj: 12/03, 34/03 i 65/13), člana 8. Odluke o utvrđivanju Standarda i kriterija za imenovanje na upražnjene pozicije u reguliranim tijelima Općine Tešanj ("Sl. glasnik općine Tešanj" broj 8/03, 1/04 i 10/06) i člana 30. Statuta Općine Tešanj ("Sl. glasnik Općine Tešanj" broj 11/07) Općinski načelnik objavljuje

JAVNI OGLAS

**za nominovanje/imenovanje kandidata za članove
Nadzornog odbora JP "Rad" d.d. Tešanj**

I Naziv pozicije

Nadzorni odbor.....2 (dva) člana nadzornog odbora na period do isteka mandata odnosno do 09.12.2016. godine.

Jedan člana nadzornog odbora se nominuju ispred osnivača Općine Tešanj, a drugi član se nominuje uslovno ispred osnivača za slučaj da se na Skupštinu društva ne prijave kandidati iz reda ostalih dioničara ili se prijave kandidati iz reda ostalih dioničara koji ne ispunjavaju uslove.

II Opis pozicije:

Bira predsjednika nadzornog odbora; nadzire poslovanje preduzeća; priprema poslovnike i predlaže ih skupštini; podnosi prijedlog za imenovanje odbora za reviziju; daje mišljenje skupštini o prijedlogu Uprave za raspodjelu dobiti preduzeća i predlaže način pokrivanja gubitka; bira i imenuje članove uprave direktora na osnovu javnog konkursa; usvaja izvještaj uprave – direktora; podnosi skupštini izvještaj o poslovanju preduzeća koji uključuje izvještaj revizora, izvještaj o radu nadzornog odbora i odbora za reviziju i plan poslovanja za narednu godinu; saziva skupštinu društva i nadzire upravu u provođenju preporuka datih od strane odbora za reviziju vanjskog revizora; daje upute direktoru za provođenje preporuka u vezi sa uočenim nepravilnostima; vrši i druge poslove utvrđene Statutom preduzeća i zakonom, a koje se odnose na dionička društva.

III Kandidat za nominovanje/imenovanje mora ispunjavati sljedeće opće uslove:

1. da je državljanin Bosne i Hercegovine;
2. da je stariji od 18 godina i mlađi od 65 godina;
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja ovog javnog oglasa;
4. da nije obuhvaćen odredbama člana IX, 1 Ustava Bosne i Hercegovine;
5. da nije „kandidat koji se ne kvalifikuje“ iz člana 5. Zakona o ministarskim, vladinim i drugim imenovanjima FBiH (Sl. novine FBiH“, broj: 12/03, 34/03 i 65/13);
6. da nije član organa zakonodavne, izvršne ili sudske vlasti u smislu Zakona o sukobu interesa u institucijama vlasti Bosne i Hercegovine;
7. da nema privatni finansijski interes u reguliranom organu u koji se kandiduje;
8. da nije osuđivan za krivično djelo i za privredni prijestup koji je nespojiv s dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne;
9. da mu presudom suda nije zabranjeno obavljanje aktivnosti u nadležnosti nadzornog odbora.

IV Kandidat za nominovanje/imenovanje mora ispunjavati pored općih uslova i posebne uslove:

1. visoka ili viša školska sprema;
2. 5 (pet) godina radnog iskustva;
3. da nije član upravnog ili nadzornog odbora u više od jednog reguliranog organa.

V Za prijavu na javni oglas kandidat je dužan dostaviti sljedeću dokumentaciju

(original ili ovjerenu kopiju):

1. prijavu sa biografijom, adresom i kontakt telefonom;
2. uvjerenje o državljanstvu;
3. fotokopiju lične karte;
4. ovjerenu izjavu da ispunjava opće uslove pod rednim brojem: 3., 4., 5., 6. i 7. i posebne uslove pod rednim brojem 3. (obrazac izjave može se preuzeti na šalteru Općine);
5. dokaz o školskoj spremi;
6. dokaz o radnom iskustvu.

Prijavu na oglas i sve tražene dokumente treba dostaviti u roku od 15 dana od objave javnog oglasa u „Službenim novinama FBiH“ lično ili poštom na adresu:

OPĆINA TEŠANJ
Trg Alije Izetbegovića br.11
74260 Tešanj

sa naznakom:

**“Prijave za nominovanje/imenovanje
kandidata za članove Nadzornog odbora
JP “Rad” d.d. Tešanj”**

Sa kandidatima koji budu ispunjavali sve potrebne uslove bit će obavljen intervju.

Podnosilac prijave sa kojim je nemoguće stupiti u kontakt u roku od 8 dana od dana isteka roka za podnošenje prijave, neće biti uzet u razmatranje u daljem procesu imenovanja.

Kandidat koji bude izabran dužan je u roku od 8 (osam) dana dostaviti:

- uvjerenje da nije osuđivan za krivično djelo i privredni prijestup nespojiv s dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne;
- uvjerenje da mu presudom suda nije zabranjeno obavljanje aktivnosti u nadležnosti nadzornog odbora.

Nepotpune, neblagovremene i neuredne prijave neće se uzeti u razmatranje.

Javni oglas će biti objavljen u “Sl. novinama FBiH”, dnevnom listu “Oslobođenje” i na web stranici Općine Tešanj.

Dostavljeno:

1. „Sl. novine Federacije BiH“
2. „Oslobođenje“
3. web stranica Općine Tešanj
4. arhiva


OPĆINSKI NAČELNIK
Mr. Sc. Suad Huskić, profesor
